

御纂醫宗金鑑卷十九

訂正仲景全書金匱要畧註上之二目錄

百合狐惑陰陽毒篇第三

百合地黄湯

百合滑石散

百合洗方

桔蘘牡蠣散

百合知母湯

滑石代赭湯

百合雞子湯

甘草瀉心湯

苦參湯

雄黃薰方

赤小豆當歸散

升麻鳖甲湯

瘡病篇第四

從身醫宗全錄 卷一
驚甲煎圓

白虎加桂枝湯

蜀漆散

中風歷節篇第五

烏頭湯

桂枝芍藥知母湯

血痺虛勞篇第六

黃耆桂枝五物湯

桂枝加龍骨牡蠣湯

小建中湯

黃耆建中湯

酸棗湯

大黃廬蟲圓

薯蕷圓

肺痿肺癰欬嗽上氣篇第七

葶藶大棗瀉肺湯

桔梗湯

甘草乾薑湯

射干麻黃湯

麥門冬湯

皂莢圓

越婢加半夏湯

小青龍加石膏湯

厚朴麻黃湯

澤漆湯

氣血兩虧

虛弱中氣

陽虛

陰虛

氣血兩虧

御纂醫宗金鑑卷十九

訂正仲景全書金匱要畧註上之二

百合狐惑陰陽毒病衄證并治第三

論曰百合病者百衄一宗悉致其病也意欲食復不能食常默
默然欲臥不能臥欲行不能行欲飲食或有美時或有不聞
食臭時如寒無寒如熱無熱口苦小便赤諸藥不能治得藥則
劇吐利如有神靈者身形如和其衄微數每溺時頭痛者六十
日乃愈若溺時頭不痛者漸然者四十日愈若溺快然但頭眩
者二十日愈其證或未病而預見或病四五日而出或病二十
日或一月微見者各隨證治之

註

百合百辨一蒂如人百脈一宗命名取治皆此義也百合病者謂人百脈一宗悉致其病也曰百脈卽一脈也猶言百體一體也是蓋以周身言之也周身之脈分而言之曰百合而言之曰一故曰百脈一宗若曰百合之病總脈病也脈者謂十二經脈三百六十五絡脈也傷寒大病之後餘熱未解百脈未和或平素多思不斷情志不遂或偶觸驚疑卒臨景遇因而形神俱病故有如是之現證也百脈周於身脈病則身病故身形如和不和欲臥不能臥欲行不能行也百脈通於心脈病則心病故常默默也如寒無寒如熱無熱似外感而非外感也意欲食復不能食或有

美時或聞食臭有不用時似裏病而非裏病也至嘔數口
苦小便赤者是鬱結之熱雖侵裏而其熱未甚也方其初
病之時醫者不識誤爲表裏之病以藥汗下之故劇吐利
也雖劇吐利不變諸逆若有神靈身形如前之和而嘔則
比前微數故其勢卽不能遽進不覺加甚而亦不能速愈
也試以緩愈之期約略言之重者不過六十日輕者不過
二十日輕重之間者不過四十日可愈也然愈必以每溺
時頭痛不頭痛惡風不惡風快然不快然辨者以經脈之
邪莫不由太陽而愈也頭痛惡風是其經之候也溺時快
然是其府之徵也其證或未病而預見者其證指百合病

等證言也未病言未病傷寒病也猶言未病傷寒之前而預先見百合欲食不食等證也或病四五日而出謂已病傷寒之後而始見百合病證也預先見者是先有情志不遂偶觸驚疑而召病也或病二十日或一月纔見者是因傷寒病後而纔見也故曰各隨證治之也

集註

李彭曰活人書云傷寒大病後血氣未得平復變成百合

病今由百脈一宗悉致其病觀之當是心肺二經之病也如行臥飲食寒熱等證皆有莫可形容之狀在內經解仿佛似之觀篇中有如神靈者豈非以心藏神肺藏魄人生神魄失守斯有恍惚錯妄之情乎又曰內經云凡傷於寒

則爲病熱熱氣遺留不去伏於脈中則昏昏默默凡行臥飲食寒熱皆有一種虛煩不耐之象矣

沈明宗曰若邪淫於胸中連及上脘則意欲食復不能食走於肝腎故常默默流入脾胃故欲臥不能臥欲行不能行邪不在胃飲食或有美時壅抑胃氣則聞食臭流於膽則口苦流於膀胱則便赤以上諸證非一齊並見皆移易變動而見也

百合病見於陰者以陽法救之見於陽者以陰法救之見陽攻陰復發其汗此爲逆見陰攻陽乃復下之此亦爲逆

註

此承上條以明其治也百合一病難分陰陽表裏故以百

合等湯主之若病見於陰者以溫養陽之法救之見於陽者以涼養陰之法救之卽下文見陽攻陰或攻陰之後表仍不解復發其汗者此爲逆見陰攻陽或攻陽之後裏仍不解乃復下之者此亦爲逆也

集註

徐彬曰內經所謂用陰和陽用陽和陰卽是此義故諸治法皆以百合爲主至病見於陽加一二味以和其陰病見於陰加一二味以和其陽

李彭曰百合病多端數條之法亦說不盡

沈明宗曰此治百合病之總要法也微邪伏於營衛流行而病表裏當分陰陽以施救治可也

百合病不經吐下發汗病形如初者百合地黃湯主之

註

百合一病不經吐下發汗病形如初者是謂其病遷延日久而不增減形證如首章之初也以百合地黃湯通其百
脈涼其百脈中病勿更服恐過服生地黃大便常如漆也

百合地黃湯方

百合

七枚
擘

生地黃汁

一升

右以水洗百合漬一宿當白沫出去其水更以泉水二升
煎取一升去滓內地黃汁煎取一升五合分溫再服中病
勿更服大便常如漆

集註

程林曰百合花葉皆四向故能通達上下四旁其根亦衆

辨合成故名百合用以醫百合病也有以夫

高世拭曰百合色白味甘手太陰之補劑也其花晝開夜合如氣之日行於陽夜行於陰司開闔以行榮衛和陰陽百合病變發熱者百合滑石散主之

註

百合病如寒無寒如熱無熱本不發熱今變發熱者其內熱可知也故以百合滑石散主之使其微利熱從小便而除矣

百合滑石散方

百合

一兩

滑石

三兩

右爲散飲服方十七日三服當微利則止服熱則除

集解

高世栻曰滑石亦名液石又名膺石石之脂膏也主治身

熱洩瀉利小便

百合病一月不解變成渴者百合洗方主之

註

百合病本不渴今一月不解變成渴者外以百合湯浸洗

其身通表瀉熱內食煮餅勿以鹽豉不致引飲而渴自止

也

百合洗方

百合一升

右以水一斗漬之一宿以洗身洗已食煮餅勿以鹽豉也

百合病渴不差者用後方主之

註

與百合洗身而渴不差者內熱盛而津液竭也枯蘖根苦寒生津止渴牡蠣鹹寒引熱下行也

枯蘖牡蠣散方

枯蘖根

牡蠣分熬等

右爲細末飲服方寸匕日三服

百合病發汗後者百合知母湯主之

註

百合病不應汗而汗之不解者則致燥以百合知母湯主之者清而潤之也

百合知母湯方

百合七枚

知母三兩

擘

切

右先以水洗百合漬一宿當白沫出去其水更以泉水二升煎取一升去滓別以泉水二升煎知母取一升去滓後合和煎取一升五合分溫再服

百合病下之後者滑石代赭湯主之

註

百合病不應下而下之不解者則怯中以滑石代赭湯清而鎮之也

滑石代赭湯方

百合

七枚
擘

滑石

三兩碎
綿裹

代赭石

如彈丸大一
枚碎綿裹

右先以水洗百合漬一宿當白沫出去其水更以泉水二升煎取一升去滓別以泉水二升煎滑石代赭取一升去

從集醫案卷一
六
滓後合和重煎取一升五合分溫服

百合病吐之後者用後方主之

註
百合病不應吐而吐之不解者則虛中以百合雞子湯清而補之也

百合雞子湯方

百合七枚

雞子黃一枚

右先以水洗百合漬一宿當白沫出去其水更以泉水二升煎取一升去滓內雞子黃攪勻煎五分溫服

狐惑之爲病狀如傷寒默默欲眠目不得閉臥起不安蝕於喉爲惑蝕於陰爲狐不欲飲食惡聞食臭其面目乍赤乍黑乍白